

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0056936 24
Zenica, 08.04.2024. godine

OPĆINSKOM SUDU U VISOKOM
Sudiji za prethodno saslušanje

Na osnovu člana 45. stav 2. tačka i), člana 241. stav 1. Zakona o krivičnom postupku
Federacije Bosne i Hercegovine (ZKP F BiH), podižem

O P T U Ž N I C U

Protiv,

ČENGIĆ MIRALEM zvan „Čenga“, rođen 1960. godine u Crnoj Gori, kažnjavan Presudom Vrhovnog suda R BiH od 13.02.1995. godine, zbog krivičnog djela iz člana 36. stav 2. tačka KZ R BiH u trajanju od 15 godina, koju je izdržao u periodu do 24.03.1995. do 24.11.2001. godine, uslovni otpust trajao od 24.11.2001 do 24.12.2001. godine, Presudom Općinskog suda u Visokom koja je postala pravosnažna dana 11.07.2011.godine za krivično djelo Sprečavanje službene osobe u vršenju službene dužnosti iz člana 358. stav 1. u vezi sa članom 31. KZ R BiH na kaznu zatvora od 1 (jedne) godine, uslovno 2(dvije) godine, Presudom Općinskog suda u Visokom koja je postala pravosnažna dana 02.07.2013. godine za krivično djelo krađe iz člana 286. stav 2 u vezi sa članom 31 i krivično djelo krivotvorenje isprave iz člana 373. stav 2. u vezi sa stavom 1 i članom 54, KZ FBiH, jedinstvenom novčanom kaznom u iznosu od 1.300,00 KM koja je zamijenjena kaznom zatvora u trajanju od 13 (trinaest) dana, presudom Općinskog suda u Visokom koja je postala pravosnažna dana 07.10.2014. godine za krivično djelo krađe iz člana 286. stav 2. u vezi sa stavom 1. KZ FBiH na kaznu zatvora u trajanju od 2 (dva) mjeseca koja je izdržana u kućnom pritvoru sa elektronskim nadzorom u trajanju od 2 (dva) mjeseca, Presudom Općinskog suda u Visokom koja je postala pravosnažna dana 14.03.2015. godine za krivično djelo šumske krađe iz člana 316. stav 1. KZ FBiH na kaznu zatvora u trajanju od 9 (devet) mjeseci, uslovno 2 (dvije) godine, Presudom Općinskog suda u Visokom koja je postala pravosnažna dana 15.08.2015. godine za krivično djelo krađe iz člana 286. stav 2. u vezi sa stavom 1 KZ FBiH u trajanju od 1 (jedne) godine, uslovno 3 (tri) godine, Presudom Općinskog suda u Visokom koja je postala pravosnažna dana 18.03.2016. godine za krivično djelo krivotvorenje isprave iz člana 374. stav 1. tačka e), KZ FBiH na kaznu zatvora u trajanju od 7 (sedam) mjeseci, uslovno 1(jedna) godina,

što je,

Dana 09.10.2022. godine, oko 13.45 sati, u ulici Branilaca, grad Visoko, ispred zgrade HMP Doma Zdravlja u Visokom, nasiljem prema drugom, ugrozio građanski mir G. S. na način da je, nakon što su policijski službenici PS Visoko, S. E., H. B. i O. A. izveli G, S, iz Doma Zdravlja Visoko, kojeg su ranije doveli zbog lješkarskog pregleda, a ispred kojeg Doma Zdravlja se nalazio i ČengiĆ Miralem, zajedno sa Č. M. i K,A,, a koji su od ranije bili u zavadi sa oštećenim G.S., pa kada je S, uz pratnju policijske službenice O. A. sproveden do policijskog službenog vozila, i dok se nalazio pored vozila čekajući da uđe u isto, iskoristivši nepažnju navedenih policijskih službenika, prišao oštećenom G.S. i zatvorenom pesnicom ga udario u predjelu glave i nosa, od kojeg udarca je isti pao na asfalt, nanijevši mu na takav način razdernonagnječne rane u dijelu nosa, iako je znao i bio svjestan da ovakvim ponašanjem ugrožava građanski mir G. S. i da nasiljem prema Smailu istom nanosi povredu, a što je i htio, na koji način je ugrozio građanski mir G.S..

dakle, nasiljem ugrozio građanski mir drugog lica, nanio laku tjelesnu povredu

čime bi počinio krivično djelo Nasilničko ponašanje iz člana 362. stav 2. u vezi stava 1. KZ F BiH.